



SUDSKI EPILOG AKCIJE OSKAR Izrečena presuda još jednom od članova grupe koja je švercovala drogu u BiH

ELJŠANIJU GODINA ZATVORA, LOKAJ OSTAO SAM NA OPTUŽENIČKOJ KLUPI


Eljšanijev advokat Ismet Fejzić naglasio je da je njegov klijent imao malu ulogu, te dodao da će kazna od godinu pozitivno uticati na njega

Agim Eljšani, zvani Gimim (1963), rođen na Kosovu, a nastanjen u Bihacu, osuđen je na godinu zatvora zbog pripadnosti organizovanoj grupi koja je švercovala drogu iz Makedonije, Srbije i sa Kosova u BiH, a nakon što je Sud BiH prihvatio sporazum koji su sklopili on i njegov branilac Ismet Fejzić i Tužilaštvo BiH.

Tako je Ali Lokaj, vođa organizovane kriminalne grupe kojoj je pripadao i Eljšani, ostao sam na optuženičkoj klupi, jer su svi ostali sklopili sporazume sa Tužilaštvom BiH.

Organizovana grupa

Podsjetimo, Lokaj i ostali sada već osuđeni te druge osobe kao što su Jašaraj Gani, Murat Hadergjonaj, Zoran Stefanović, Vladislav Vasić, Jugoslav Savić, Denis Jašić, izvjesni Ado i Nusko pripadali su grupi organizovanoj radi prenosa, držanja, posredovanja u daljoj međunarodnoj prodaji heroina i skanka. Tu drogu su iz Makedonije, Srbije i sa Kosova prenosili u BiH. Heroin iz Srbije, stoji u optužnici, miješali su sa drugim supstancama i prodavali u BiH i Srbiji, te najčešće koristili šifrovane termine koji su označavali vrstu, količinu i cijenu



Advokat Izet Baždarević i sada već osuđeni Vahidin Dobrača nakon jednog od ranijih ročišta

droge, kao i mjesto i vrijeme susreta radi preuzimanja i isplate cijene za kupljene narkotike.

Lokaj i ostali uhapšeni su sredinom decembra 2014. u akciji SIPA kodnog imena Oskar. Eljšani se teretio da je na poziv jednog od članova ove grupe, koji nije uhapšen, prenosio heroin.

Tužiteljica Diana Kajmaković istakla je da smatra kako bi zatvorska kazna od godinu do godinu i pet mjeseci u njegovom slučaju postigla svrhu kažnjavanja. Dodala

KRIVOTVORIO PASOŠ
Eljšani je u Bugarskoj
2003. osuđen na
novčanu kaznu od
500 eura zbog
krivotvorenja pasoša

je da je Eljšani porodičan čovjek, koji ima ženu i dvoje djece, te da je otežavajuća okolnost što se uopšte uplitaio u posao sa teškim drogama, a što ne opravdava ni ekonomski motiv tog posla.

Advokat Ismet Fejzić naglasio je da je Eljšani imao malu ulogu u grupi. Rekao je da će kazna od godinu pozitivno uticati na njega, te zatražio da njegovog branjenika Sud oslobodi plaćanja sudskih troškova.

Agim Eljšani je na početku ročišta rekao da je na Kosovu prodao kuću, od čega su on i njegova porodica živjeli u Bihacu. Dodao je da je po zanimanju trgovac bez zaposlenja, a kako se moglo čuti, on se bavi posredo-

vanjem prilikom kupoprodaje srpskih kuća čiji vlasnici žele da napuste Kosovo.

Nakon dolaska iz Švicarske u BiH, Eljšani se nastanio u Bihacu, kod supruge. Tamo živi već osam godina, ali do danas nije regulisao boravak, te i dalje koristi srbijansku ličnu kartu i pasoš Kosova (koji vlasti u BiH ne priznaju). Eljšani je ranije osuđivan. U Bugarskoj je, naime, 2003. osuđen na novčanu kaznu od 500 eura zbog krivotvorenja pasoša.

Presude po nagodbama

Kao što smo već pisali, optuženi u istom predmetu Vidak Milić, zvani Zec (1950), i Vahidin Dobrača (1986) presudama Suda BiH, nakon nagodbi, osuđeni su na po godinu zatvora, dok je Hakiji Mehoviću (1961) izrečena kazna od dvije godine i pet mjeseci.

Prethodno su Nijazi Muharemi, zvani Tiki Kiki, (1963), rođen u Tetovu, te Nermin Planinčić (1976) i njihovi branioци Muhidin Kapo i Senad Dupovac sklopili sporazume o priznanju krivice sa državnim Tužilaštvom te im je Sud izrekao kazne od po godinu i šest mjeseci robjice. **D. P.**